

---

## ZAPISNIK

sa IV redovne sjednice Izvršnog odbora Udruženja poslodavaca FBiH

održane dana 30.08.2018. godine (četvrtak) sa početkom u 12:00 časova u prostorijama Prevent Home d.o.o. u Ključu.

**Sjednici su prisustvovali članovi I.O.:** Adnan Smailbegović, Srđan Lukić (po ovlaštenju Krasnodara Petrovića), Snježana Kopruner i Alija Čolaković (po ovlaštenju Nurdina Peštalića).

**Sjednici nisu prisustvovali članovi I.O.:** Rusmir Hrvić, Marin Raspudić i Safudin Čengić koji su opravdali svoj izostanak.

**Ispred UP FBiH:** Mladen Pandurević i Mersiha Jusić.

Predsjedavajući Izvršnog odbora Adnan Smailbegović je predložio sljedeći:

### DNEVNI RED

1. Usvajanje Zapisnika sa III vanredne sjednice IO;
2. Usvajanje teksta obraćanja „Šta poslodavci očekuju od vlasti?“
3. Informacija o kolektivnom pregovaranju za zaključivanje granskih kolektivnih Ugovora;
4. Tekuća pitanja

Dnevni red je jednoglasno usvojen u predloženom obliku.

### RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa III vanredne sjednice IO

Predsjednik Izvršnog odbora Adnan Smailbegović je upoznao članove Izvršnog odbora sa ovom tačkom dnevnog reda. Napomenuo je da je Zapisnik dostavljen svima, te da po istom nije bilo primjedbi.

Obzirom da nije bilo primjedbi donesen je sljedeći zaključak:

**A.D. 1.1. Zapisnik sa III vanredne sjednice IO je jednoglasno usvojen.**

## **Tačka 2. Usvajanje teksta obraćanja „Šta poslodavci očekuju od vlasti?“**

Predsjednik Izvršnog odbora je upoznao članove Izvršnog odbora da sa prijedlogom teksta obraćanja „Šta poslodavci očekuju od Vlasti“. O predloženom tekstu provedena je javna rasprava u kojoj je učestvovalo preko 20 000 poslodavca, članica Udruženja poslodavaca FBiH.

Udruženje poslodavaca FBiH napravilo odlučan iskorak u načinu djelovanja i promjene uloge, u smislu da će Vladama i političkim strankama ponuditi gotova rješenja Zakona i drugih propisa koje je pripremila u saradnji sa vanjskim ekspertima stručnjacima iz određenih oblasti te uglednim profesorima.

Prijedlog je da se dokument nakon usvajanja od strane IO dostavi svim političkim strankama koje će učestvovati na predstojećim izborima, uz zahtjev da podrže prijedloge Udruženja poslodavaca FBiH. Predložena rješenja UPFBiH imaju za cilj rasterećenje privrede, unapređenje poslovnog ambijenta koji će omogućiti stabilno poslovanje članica UPFBiH, povećanje zaposlenosti, suzbijanje sive ekonomije, pojednostavljivanje administrativnih procedura, ravnopravan tretman privatnog/realnog sektora u odnosu na javni, jačanje socijalnog dijaloga te intenziviranje rada sa Vladom FBiH u cilju postizanja adekvatnog poslovnog ambijenta.

Predsjednik je upoznao prisutne da je stručna služba uputila tekst svim članicama sa zahtjevom da dostave svoje primjedbe uz napomenu da ukoliko u ostavljenom roku ne daju primjedbe da će se smatrati da su podržali tekst. Primjedbe koje su dostavljene od strane članica UPFBiH prezentirao je direktor Pandurević.

Predsjednik UO je zamolio članove IO da se izjasne o iznesenim prijedlozima.

Nakon iscrpne diskusije Izvršni odbor je jednoglasno usvojio sljedeće zaključke:

**A.D. 2.1. Izvršni odbor je jednoglasno usvojio prijedlog teksta obraćanja političkim strankama „Šta poslodavci očekuju od Vlasti“ uz primjedbe koje su usvojene na sjednici. Navdeni tekst sa ugrađenim primjedbama je sastavni dio zapisnika.**

**A.D. 2.2. Zadužuje se stručna služba da pripremi dopise koje će uz tekst uputiti svim političkim strankama koje će učestvovati na izborima .**

**A.D. 2.3. Tekstovi Zakona, nakon finaliziranja, će biti dostupni na web stranici Udruženja poslodavaca FBiH.**

### **Tačka 3. Informacija o kolektivnom pregovaranju za zaključivanje granskih kolektivnih Ugovora;**

Predsjednik je zamolio sekretara Udruženja Mersiha Jusić da izvjesti prisutne o ovoj tački dnevnog reda. Mersiha Jusić je upoznala prisutne da je Udruženje do sada potpisalo 5 KU i to:

1. Kolektivni ugovor za djelatnost proizvodnje i prerade metala u Federaciji BiH koji je potpisan 31.07.2018. godine, objavljen u „Sl. novinama FBiH broj 61/18“
2. Kolektivni ugovor o pravima i obavezama poslodavaca i zaposlenika u oblasti prometa za teritoriju FBiH, potpisan 22.09.2016. godine, objavljen 05.10. 2016. u „Službenim novinama FBiH“ broj 78/16. Važi do 05.10.2018. godine
3. Kolektivni ugovor o pravima i obavezama zaposlenika i poslodavaca za djelatnost trgovine na području FBiH, potpisan 09.04.2018. godine, objavljen u Sl. novinama FBiH 28/18
4. Kolektivni ugovor o pravima i obavezama poslodavaca i zaposlenika u oblasti prerade drveta i papira u FBiH. Potpisan Sporazum o produženju KU na 2. godine koji je objavljen u Sl. novinama FBiH 08/18. Važi do 16.12.2019. godine.
5. Kolektivni Ugovor za djelatnost komunalne privrede.

Pregovori se vode i očekuje se uskoro potpisivanje još 3. KU

1. Kolektivni ugovor iz oblasti tekstila, obuće i gumarske industrije
2. Kolektivni ugovor za granu finansija
3. Kolektivni ugovor hemija i nemetali

Udruženje je uradilo sve prethodne aktivnosti i spremno je za otpočinjanje pregovora za

1. Kolektivni ugovor o pravima i obavezama poslodavaca i zaposlenika u oblasti građevinarstva, industrije građevinskog materijala i projektovanja u FBiH
2. Kolektivni Ugovor prehrambene industrije za teritoriju FBiH
3. Kolektivni Ugovor duhanske industrije za teritoriju FBiH
4. Kolektivni Ugovor za djelatnost ugostiteljstva i turizma;

Na ovaj način Udruženje ispunjava jedan od ciljeva iz Programa rada UPFBiH da do kraja godine potpiše od 8-12 granskih kolektivnih ugovora.

Nakon diskusije Izvršni odbor je jednoglasno usvojio sljedeće zaključke:

**A.D. 5.1. Izvršni odbor je primio k znanju informaciju o kolektivnom pregovaranju za zaključivanje Kolektivnih ugovora.**

Tačka 4. Tekuća pitanja

Pod tekućim pitanjima gđin. Mladen Pandurević je upozano prisutne da je na sjednici prisutna predstavnicica naše nove članice Krupa kabine iz Velike Kladuše.

Također je istakao da je u protekla dva dana rukovodstvo UPFBiH u cilju jačanja Udruženja u Unsko sanskom kantonu boravio posjetilo kompanije na ovom kantonu te obavilo razgovora sa predstavnicima Udruženja poslodavaca Velika Kladuša koje ima 56 članica i koje će se u narednom periodu učlaniti u UPFBiH. U okviru posjete održani su sastanci sa gradonačelnikom grada Bihaća te je rješeno pitanje otvranje kancelarije UPFBiH u Bihaću. Gđin. Pandurević je pozvao sve članice sa područja USK da u kontaktima sa svojim partnerima ukoliko prepoznaju interes preporuče Udruženje poslodavaca FBIH.

Sjednica je završila u 13:30 časova.

Zapisnik sačinila:

Mersiha Jusić, SEKRETAR

Predsjednik Izvršnog odbora

Adnan Smailbegović